



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Eius pia solicitude de Collegio. n. 22.

urn:nbn:de:hbz:466:1-38320

præsentari; quod breui futurū speramus. Interim solito favore & gratia Colle-
gium prosequemur, & quantum permittent temporum difficultates & in pre-
sens & in futurum à nobis factam fundationē tuebimur. Sacrificijs & orationi-
bus omnium hęc singulariter cōmendamus.) Neverò quispiam actum aliquid
arbitretur importunius in hoc toto negotio, habentur. *Mutij Generalis literae*
ad *Odoenūm Shelleyūm*, quæ moderationē testantur his verbis. " Plurimum
etiam me recreauit, quod Monachio ad me scriptum est, R. V. & si quis alius
præterea illuc scriperit, valde modeſte, & verecunde explicuisse Collegij
istius constitutionem, neque à tam magnifico & liberali Princeps quidquam
aut nimis cupidè aut nimis minutè postulasse, sed omnia illius arbitrio per-
missile; qua ratione quantum ab illo inpetratum sit, cum R. V. iam abunde
procul dubio reficiuerit, non opus est ut id ego enucleatus explicem.) Quam
liberalitatem quanta cum temporalis cuiuslibet retributionis neglectione ex-
ercuerit nobilissimus hic Princeps altera de monstrauit occasio. Patres Angli
in Congregatione Provinciali aggregati leto publicè Diplomate censiue-
runt Serenissimo Duci tanto benefactori per communes literas habendas esse
gratias, rogaruntque Mutium Generalem ut suas etiam dignaretur adiungere:
Ad has sic *Maximilianus* respondit.

" Gratiarum actio quam à Patribus Provinciæ Anglicanæ Superiori
anno in Congregatione conceptam, & suo & ipsorum nomine P.V. ad Nos
misit neque necessaria, neque sanè à Nobis expectata fuit. Etenim vtriq; per
literas iamdudum animi suigratitudinē affectumque in Societate Nobis ante
cognitum, abunde declararunt; Nos verò in illo beneficio Societati præstan-
do ita Religionis augmentum, Deique gloriam pro scopo unico præfixam
habuimus, vt præter orationes, sacrificia, aliaque ad salutem animalium, Ec-
clesiæ tutelam & incolumitatem spectantia nullam omnino compensatio-
nem experierimus; atque ob eam causam iterati gratiarum actionem necesse
non erat. Quia tamen literæ tam P. V. quam Congregatorum Patrum non
vrbano officio funguntur, sed ex animo profectæ, de nostra salute sinceram
curam votaque ac preces pollicentur, ex ea parte nobis gratissimæ fuerunt,
mirificeque animum nostrum multis negotijs, & perseverantis mole belli
pressum exhilararunt; præcipue cum ex eisdem constet etiam in læuiente per
Britanniam persecutione, fidelium numerum diuino adiutorio indies augeri.
Congregationi quidem Anglicanæ, cùm iam desierit, respondere non pos-
sumus: Optamus tamen illis Patribus pro opportunitate significari literas
eorum Nobis redditas esse, nec illorum studio & laboribus defuturos; at-
que interea P. V. omniumque precibus & sacrificijs Nos & domum nostram
quam maximè commendamus.)

XXII. Ne vero perpetuo grauaretur ærarium pendendis Collegio
decem millibus florenorum Rhenensium, aut ex difficultate Cambij dam-
num lequeretur, in mentem venerat Serenissimo Duci ad stibilienda n fun-
dationem agros dare in dominio suo Mindelheimensi, aliaque quæ annuum

Ggg 4

fructum

Tradit
prosolu-
tione afse-
curanda
Hypothe-
cam.

1619. fructum æquarent, eaque bona ita facere libera ut à nullo dependerent. Sed quoniam (vi obseruauit etiam Adamus Contzen) è longinquo colisti bona debuissent, vnde minor multo futurus erat fructus quam si à prælenti- bus colerentur, & ea quæ ex hortis, pilicinis, syluis &c. inhabitantibus vlii esse possent, aut omnino essent peritura, aut magno danno in pecuniam redigenda mittendam deinde Collybisticis detrimentis Leodium, cessatum est aliquousque ab illa cogitatione, quemadmodum & à bonis in ditione Wittertembergensi bello acquisitis, quæ longè plures secum tulissent difficultates. Ut tamen hanc suam donationem decem millium annuorum corroboraret magis confirmaretque, nouo addito diplomate (in quo etiam nouam sponsam adiungit sociam fundationis, Mariam Annam ab Austria, Ferdinandi Tertij Imperatoris sororem.) Prædictum dominum Mindelheintenle, & Heydenheyment le suo ære coemta, atque adeo libera, tradit in Hypothecam, vt inde sibi satis facere posset Collegium, tam pro decem millibus annuis, (si ex æterno deficit solutio) quam pro capitali ducentorum millium, donec vel pecunia parata, vel bonis stabilibus, iuxta fententiam fundationis consignandis, omnia ad amissim perfoluerentur. Quæ simul omnia narranda erant, vt sub uno eodemque aspectu & Collegij initia, progressusque, & optimi ducis eximia caritas ponerentur: quem Deus etiam in hac vita remunerari voluit optatissimo munere, vt quemadmodum ipse Collegio suo nouam sobolem Matri Ecclesiae contolandæ pararat, soboles etiam illi in expecto accresceret. Etenim plusquam sexagenario, & laboribus fracto, & propè (veluti alteri Abraham) effeto nata est ex noua & Illustrissima Coniuge duplex proles mascula, quam non promisso tantum sed facto stabilitoque Collegio promeritus fuerat. Non enim existimauit parcè & restrictè agendum cum Deo, sed vt magnum erat quod flagitabat beneficium, ita magno & liberali animo antequam deberetur explicuit votum, deditque prius-nato Filio Ignatij nomen, quo paternis insistens vestigijs Ignatij hanc sobolem perpetua benevolentia prolequeretur, soueret munificientiam. Horum nunc Annorum residua relegamus à quibus longius nos abduxere Collegij initia progressusque, ne scotum separatimque facta narratio rei tam illustri afferret obscuritatem.

XXII. Translato Leodium Tyrocinio creuit nostrorum numerus Anno decimo septimo ad quinque supra quadraginta, inter quos Notitij triginta; de quorū ad virtutes solidas comparandas studio pro duplicitis dignitate vocationis, Religioſa & Martyrij, nihil necesse est dicere, silentio tamen prætereunda non est nobilis Adolescentis in Religioso proposito constantia, & Christianæ ambitionis humilitatis præfculi ornamenti & gloria, qui studijs vacans, cùm animum adieceret ad Societatem, à Parente (quem quod inter liberos natu esset maximus celare non potuit consilium) ex Anglia de industria trajiciente translatus domum, & amplissimi patrimonij administracione ad triplum implicatus, non solum ius omne, & spem præterea magnitudini

Alia superioribus
annis acta.

Tyronum
numerus
auctus.